

La qual letera è, se remeteno a loro che è sul fato secondo le occurentie, andar o star o far quello al signor gubernator e loro parerano.

Fu posto, per li savii, una letera a Roma, avisarli questi successi de' spagnoli, e come voleno andar a Brexa etc.

Fu posto, per li diti, una letera a Vincenzo Guidoto secretario nostro, è apresso il vicerè, debi star oculato, etc., e seguir dove va il dito vicerè et ternirne avisati del tutto.

Noto. Per colegio, fo scritto al capitano di le fantarie a Crema, vadi con quelle zente el pol sora Oio a obstar a' milanesi non passi.

*Scurtinio di orator al ducha di Urbin,
con ducati 80 al mexe, juxta la parte.*

Sier Anzolo Molin qu. sier Alvise . . .	30.137
Sier Alvise Beneto el XL criminal, di sier Domenego	74. 94
Sier Francesco Corner, è di Pregadi, di sier Zorzi cavalier procurator . .	67. 99
Sier Mafio Lion l'auditor nuovo, qu. sier Lodovico	37. 129
Sier Marco Antonio Sanuto, fo savio ai ordeni, qu. sier Beneto	51.118
Sier Santo Moro el dotor, fo auditor nuovo, qu. sier Marin	55.107
Sier Gasparo Contarini, qu. sier Al- vise qu. sier Ferigo	69. 86
Sier Zuan Emo di sier Zorzi el con- sier, qu. sier Zuan el cavalier . . .	55.111
Sier Marco Gradenigo el dotor, qu. sier Bortolo	54.107
Sier Marin Sanudo qu. sier Lu- nardo	47.121
Sier Hironimo da cha' Tajapiera el dotor, fo auditor nuovo	36. 132
Sier Alvise Foscari, fo auditor vechio, qu. sier Nicolò	70.100
Sier Francesco Capelo el cavalier, fo proveditor zeneral in la Patria, qu. sier Cristofolo	74. 94
Sier Alvise Bon el dotor, fo di Pre- gadi, qu. sier Michiel	67.101
† Sier Alvise Mocenigo el cavalier, fo savio a terra ferma	103. 63
Sier Marco Antonio Venier el dotor, qu. sier Cristofolo qu. sier France- sco procurator	55.109

Sier Marco Gradenigo et dotor, fo auditor vechio, qu. sier Anzolo . .	88. 75
Sier Zuan Baxadona el dotor, di sier Andrea	42.124

A di 13 la matina. L' orator yspano non fu, per 119*
esser andato a Padoa al convitar si fa ozi di sier
Francesco Morexini qu. sier Cabriel dotor in
molto suo amico. Sarà qui da matina.

*Di campo, fo lettere di proveditori zenerali,
in zifra, date a di 11, hore . . di note.* Come
non hanno più polvere, però è restati di bombardar.
Item, le zente è mal contente per non esser pagate,
pur bateno lentamente certa torre, qual l'anno po-
sta in pontelli per farla cadere. *Item*, hanno letere
di sier Nicolò Michiel proveditor ai Urzi nuovi, qual
mandano a la Signoria, al qual fo commesso per
loro l'andar sora Ojo a devedar milanesi quali ce-
gnano passar di qua. *Item*, hanno come, in uno lo-
cho dito Monteselli, volendo essi milanesi far certo
ponte su burchielle per passar, quelli dil paese re-
duti hanno preso do burchielle e brusate con occi-
sion de alcuni. *Item*, hanno mandato a Pontevico e
quelli lochi su le rive sier Zuan Vituri proveditor di
stratioti, per obstar che diti milanesi non passano.
Item, dil partir dil campo di sier Antonio Zustinian
dotor, stato li in consulto, et vien con uno orator
dil stato di Milan, secreto, con letere dil vescovo di
Lodi di credenza a la Signoria nostra; e altre parti-
cularità etc.

*Di sier Piero Lando orator nostro, da Mo-
dena, di 10.* Come il reverendissimo Curzense ha-
via auto lettere dil pasato da l'Imperator, di Colo-
gna: che li exerciti di Spagna et Franza erano stati a
le man, et francesi esser stà rotì da 17 milia, tra i
qual 4000 lanzinechi andati a servizi de' francesi con
volontà di l'Imperator, preso monsignor ducha di
Barbon, morto monsignor di la Chandela, monsi-
gnor de Dunon et molti altri, et terzo zorno da poi
Bajona se rese. *Item*, che l'armata d' Ingaltera avea
preso 28 navilli de' francesi. Scrive, si dize li a Mo-
dena el ducha di Ferara e 'l signor Prospero Colona,
con lanze 350, 400 cavali lizieri et 1000 fanti è zonto
su quel di luchesì, fa la via di Pontremolo per andar
in Lombardia. *Item*, di le cosse di la Mirandola, el
Curzense *pro nunc* ha terminato che trate de le in-
trate le spexe, il resto se parti per mità i fioli fo del
signor Lodovico nepoti di missier Zuan Jacopo Triul-
zi, et il signor Zuan Francesco. *Item*, di Sasuol, ha
rimesso la cossa al conseio imperial di Verona, con
questo che al signor Alexandro li sia dato *certum*